

**Uunga siunnersuut: Aningaasarsianit akileraarutit pillugit Inatsisartut inatsisaata allangortinneqarnera pillugu Inatsisartut inatsisaat nr. xx, xx. xxx 2017-imeersoq**  
(Aningaasaqarnermut Akileraartarnermullu Naalakkersuisoq)

**Saqqummiussissut**

(Aningaasaqarnermut Akileraartarnermullu Naalakkersuisoq)

**Siullermeerineq**

Naalakkersuisut sinnerlugit matumuuna aningaasarsianit akileraarutit pillugit Inatsisartut inatsisaata allangortinneqarnera pillugu Inatsisartut inatsisaannut siunnersuut saqqummiutissavara.

Naatsorsuutigineqarpoq PFA Soraarnej soraarnerussutisianut isumaqatigiissutit tigummisani Danmarkimut PFA Pension-imut ulloq 1. januar 2018 nuussagai. Kalaallit Nunaanni soraarnerussutisiassanut naafferartumik tunniunneqartartussanut aaqqissuussinernit ataasiakkaanit sillimmasiivigineqartunit soraarnerussutisiassat pioreersut akileraarutitigut suliarineqartarnerisa allangortinneqarnissaa, soraarnerussutisiassanik nuussinissamut piumasaqaataasoq, Finanstilsyn-ip tassunga atatillugu PFA Soraarnej nalunaarfigaa. Nalunaaruteqarnej piffissamut killissaliussanut il.il. nalinginnaasumik inatsisiliornerup ingerlasarneranut atuuttunut tunngatillugu kingusissukut tiguneqarpoq.

Tunisassianik nutaanik, digitalimik aaqqiissutissanik pitsaanerusunik sullitat ujartuinerat naammassiniarlugu, kiisalu allaffissornermi aningaasartuutit sullississutit taakku ingerlatseqatigiiffiup Kalaallit Nunaanni sullitaannut pilersuineranut attuumassuteqartut annikillisinnaarlugit aammalu aningaasalersuineranut suliassa qarfiup iluani inatsisini maleruagassiinermilu piumasaqaatit sukannernerulernerisa malitsigisaanik, PFA-p soraarnerussutisianut isumaqatigiissutit PFA Pension-imi ataatsimoortinnissai kissaatigaa.

Siunnersuut malillugu soraarnerussutisiassanut naafferartumik annertoqqatigiimmik tunniunneqartartussanut aaqqissuussinernit nuunneqartunit ikinnerusunit tunniussinerit, PFA Pension-imut nuussereernerup kingorna aaqqissuussinernut suli akiliuteqartoqartaraluartoq, taakkua ataasiakkaanit sillimmasiiviusimappata imaluunniit sulisitsisumit sillimmasiiviusimappata apeqqutaatinnagu, akileraaruteqaataasussaassanngillat. Taamaattoq soraarnerussutisianut naafferartumik tunniunneqartartussanut aaqqissuussinernit taaneqartut taakkua PFA Soraarnej-mit Danmarkimi PFA Pension-imut nuunneqarneranni, maannamut pisartutut aaqqissuussinerni ataasiakkaani tamaginni uninngasuutigineqartunit akitsuut akilerneqaaqqaartassaaq. Akitsuut taanna inummut soraarnerussutisiassanut aaqqissuussinermik piginnittumut akileraarutitigut procentiliussamut tamarmiusumut naapertuuppoq. Aaqqissuussinernit soraarnerussutisianik tunniussinerit, inuup tigusassai, paarlattuanik akileraaruserneqartussaannngillat. Siunnersuut PFA Soraarnej oqaloqatigalugu suliarineqarpoq.

Tamatuma kingorna naatsorsuutigineqarpoq PFA Soraarneq Finanstilsyn-ip akuersissuteqarnissaanik piniarsinnaalissasoq aammalu soraarnerussutisiassanik nuussineq ingerlassinnaalissallugu.

Siunnersuutip tassunga tunngasortaata akuerineqarnissaa, 2018-imi Nunap karsiata pissarsiassanik mittarfiliassanut nutaanut arlalinnut aningaasalersuinissamut tunngaviusussanut ilaasutut tassunga atugassatut immikkoortinneqareersunik tiguisinnaanissaanut, pisariaqartutut isigineqartariaqarpoq.

Maleruagassat atuuttut malillugit akileraarutinit A-nit pissarsiassat, agguaanissaq aalajangersagaasoq malillugu Namminersorlutik Oqartussanut aamma kommuninut tutsinneqartussaapput. Namminersorlutik Oqartussat mittarfinnut nutaanut aningaasalersuinnermut akiliutissaasa annertusitissinnaanissaat siunertaralugu, sulisartunit avataaneersunit mittarfiliassanik sanaartornermi peqataasunit, akileraarutit A-t taamaallaat nunap karsianut tutsinneqassasut, siunnersuutigineqarpoq. Aaqqissuussineq siunnersuutigineqartoq, aatsitassarsiornerup iluani atuutereersunut annertuumik assinguvoq. Sulisartut avataaneersut pineqartunut ilaasut kommuninut, assersuutigalugu suliffissaarunnermi ikiorsiissutinut, meeqqat atuarfiinut imaluunniit meeqqanik paaqqinninnermut, qaffasinnerusumik aningaasartuuteqartitsilerlutik nammakkersuisussaassanngitsut eqqumaffigineqarnissaa pingaaruteqarpoq.

Inuit akileraarutaannit isertitat immikkut ittut taakkua, mittarfinnik nutaanik sanaartornermi pissarsiarineqartussatut naatsorsuutigineqartut, ilaasa nuna tamakkerlugu iluaqutaasumik nammaqatigiissumik atorineqarnissaat, siunnersuummi periarfissiissutigineqarpoq.

Nunap karsiata isertitaasa taakkua, mittarfinnik nutaanik arlalinnik sanaartornermut nunap karsiata aningaasalersuutissai annertusitissinnaalissavai. Nunap karsianit qaffasinnerusumik aningaasalersuinnermi taarsigassarsinissaq mittarfiliassanut ingerlatseqatigiiffimmi Kalaallit Airports A/S-imi pisussaq, annikillisinneqarsinnaassasoq naatsorsuutigineqarpoq, tamatumalu ingerlatseqatigiiffiup siunissami ernianut aningaasartuutaat annikillisissavai aammalu suliassami aningaasaqarneq pitsaanerulersissallugu aamma atuisunit akiliuteqarneq appasinnerulersissallugu.

Ilanngaasiinnginnermi akileraarusiisarnermut aaqqissuussinerup malitsigisaanik inuup isertitaasa (ilanngaasiinnginnermi isertitat) 35 procentiannik akileraartussaataasooq inaarutaasumik akileraarummik akiliisassaaq aammalu nammineq nalunaarsuinnermik il.il. tunniussisassanani. Paarlattuanik pineqartoq inummut ilanngaammik il.il. atuinissamik pisinnaatitaassanngilaq.

Ataatsimiinnermi matumani siunnersuutip tassunga tunngasortaasa akuerineqarnerat, taamaalilluni aningaasaliisussanik avataaneersunik oqaloqateqarnermi ingerlatseqatigiiffiup isumaqatiginninniinnermi tunngavissaannik patajaallisitsinnermut immikkut atorineqarsinnaavoq, taamaalillunilu Inatsisartut Naalakkersuisunut sulissutiginnissaannik pisussaaffiliussaasa mittarfiit nutaat sanaartorineqarnerannik suliqaarnissaq siuarsarneqassalluni.

Naggataatigut inatsisissatut siunnersuut aamma nassuiaatit tassunga atasut innersuussutigissavakka.

Taamatut oqaaseqarlunga Naalackersuisut sinnerlugit siunnersuut Inatsisartunut kajumissuseqartumik suliarineqartussanngorlugu tunniuppara.